

S sai' kemmen vourstellt projekt va verpesser van ben ver mear as vinva milionen va euro

De Provinzaljunta hòt se zòmmetroffen en Oachpèrg

Il comune di Sant'Orsola Terme ha ospitato la seduta della giunta provinciale, nel giorno 17 di marzo. Molte realtà del territorio della valle dei mòcheni hanno voluto dare il benvenuto recandosi presso la sede del comune: alpini, carabinieri, vigili del fuoco volontari, Pro Loco, sindaci, il parroco della valle e altri.

Fra i temi trattati, è stato fatto il punto sui progetti di sviluppo e messa in sicurezza della viabilità. Per questi interventi sono stati previsti oltre 5 milioni di euro. Al termine dei lavori, è stata consegnata un'icona di ringraziamento al presidente della Provincia Maurizio Fugatti, a suggellare i buoni rapporti tra le amministrazioni.

Vil lait ont vrischöftn hom gem s guatkemmen en de provinzaljunta en vrait, as de 17 van merz, vour en sitz va de gamoa' va Oachpèrg. S sai' kemmen de alpinen, de vraitbillega pompiarn, de pirgermoastern van tol, de Pro Loco, der pföff ont vil öndera.

Derbail en de örbetn, de zboa junte (va de gamoa' ont va de provinz) hom se verglaichert; de junta va Oachpèrg hòt vourstellt de örbetn trong envire ont de sèlln as barn kemmen stitzn en de zaitn as kemmen. Derzua, ist kemmen gadenkt der groas projekt va verpesser "Borghi" van PNRR. Zan leistn, s ist kemmen tschenkt a pilt en president va de provinz ver za padönken en van ölls s sèll as er ont de junta hom gatu' ver de gamoa'.

Der Andrea Fontanari, pirgermoaster va Oachpèrg, hòt kein as er ist vroa za hom en de sai' gamoa' de



Foto di Juliet Astafan - Archivio Ufficio Stampa Provincia autonoma di Trento
Giunta Provinciale a Sant'Orsola, al centro il presidente Maurizio Fugatti e il sindaco Andrea Fontanari

provinzaljunta, ont er hòt gadenkt as vil projekt sai' kemmen trong envire en de leistn jarder prope gèltsgott en de zòmmòrbet pet de junta va de provinz. Der Maurizio Fugatti hòt kein as er boast abia as s Bersntol ist bichte ver de ausòndere autonomi as keart en de provinz. Er hòt aa gabellt song as de provinzaljunta bart sai' glaim en de neat van gamoa'amministrazioni, ver za trong envire de projekt as barn kemmen gamòcht.

Oa'n van ziln stitzn oa'ne pet de gamoa'n van tol ist der sèll van ben: mear as vinva milionen va euro ver za hom sicherera ont dèsterera ben en tol. Asou, de birtschöft ont der turismus en tol barn kemmen gaholven. De projekt sai' de doin: hom an sicherern plòtz en de mitt va de gamoa' va Oachpèrg; gem de mogleket za gea' dèster za vuas va Mala finz en Museum Pietra Viva; versichern ont verbaitem der provinzal be as de tschenket sait van tol; an ettlena örbetn no en de ben en de gamoa'n va Vlarotz ont va Garait; hom an plòtz en Palai bou za meing hengen ont vòssn de elektrischn mittln. No en de örbetn va de provinzaljunta, der president Maurizio Fugatti ont der vicepresidente Mario Tonina hom pasuacht der museum Pietra Viva, zòmm pet de pirgermoastern va Oachpèrg Andrea Fontanari ont va Palai Franco Moar, ont zòmm pet de asesorn va de junta va Oachpèrg Mauro Paoli ont Marta Alberini. Der Filippo Broll van museum hòt sa pfart durch en de sal van museum ont er hòt en derzeilt de gschicht ont de tròchtn va de gamoa'schöft va Oachpèrg.

Nicola Oberosler

Ka Bologna, de amministrazioni va Vlarotz, Garait, Palai en Bersntol, Oachpèrg, Persn ont Vallegghi aa hom kriak der prais

Prais "Plastic Free" 2023 en de gamoa'n van tol



Foto Archivio Ufficio Stampa PAT

De vrischöft "Plastic Free" hòt austalt an prais as hòt an groasn bèrt ver de umbèlt. De gamoa'n as hom kriak der prais en sònta, as de 11 van merz, sai' secksa: Vlarotz, Garait, Palai en Bersntol, Oachpèrg, Persn ont Vallegghi aa. Oachpèrg ont Persn hom kriak der doi prais vert aa. "Plastic free" bill song as de lait miasn gabe'n se za prauchen minder plastic en lem va öllto. De lait miasatn gabe'n se za prauchen de plinder mear vert, a'ne bèrven sa vort no an oa'zegen prauch. Dòs ist runt bichte ver de umbèlt, bavai de plinder gamòcht pet plastic mòchen kemmen greaser s umbèltschbissn. Der doi bichte trèff hòt gahòp der patrocinio van Europäische Parlament ont van Minister ver de umbèlt. En trèff hom toalganommen aa der president van CEI, der kardinal Matteo Maria Zuppi, ont der vicepresidente va de Autonome Provinz va Trea't, der Mario Tonina. Prope der vicepresidente va de Provinz hòt kein as der doi prais bill song vil ver de Provinz, ont as de Provinz bill stitzn projekt "plastic free" trong envire van gamoa'n. De Autonome Provinz va Trea't bill sai' an baispil ver de öndern as de temen va de umbèlt, as en de zaitn as kemmen barn versichern a verpesser ver de eirter va pèrg. De vrischöft Plastic Free hòt tschatzt mear as 360 zbischn gamoa'n ont vrischöftn, ont zan leistn de hòt gem der prais en de ingern gamoa'n, ont en öndera gamoa'n van Balschlònt aa, no en 22 kritern. Zbischn de öndern kritern, nèt vortbèrven de plinder as men praucht nea'mer (zan baispil nem en de stros, bou as nea'met sicht); stitzn projekt en de schualn ont vrischöftn ver za learnen en de lait abia za tea' ver za prauchen minder plastic ont ver za öchtn de umbèlt; ausrotn zuazoln vern öllgamoabösser; stitzn zòmmòrbetn pet de vrischöft Plastic Free.

Nicola Oberosler

Trèff asn tema: klòffen zboa sprochen



De profesoren Patrizia Cordin va de Universitet va Trea't ont viareren va "Bilinguismo conta" bart se trèffen pet de dockteren Karin Martin ver za klòffen as an ausòndern tema, van titl: "Bilinguismo di serie A e bilinguismo di serie B". De profesoren, auskennt va sprochen minder kennt ont va mearsprocheket, bart klòffen va bos as bill song prauchen, en lem va öllto, mear as an oa'zega sprochen. Der trèff ist offet en òlla, ont der ist bichte iberhaup ver learnen ont ver eltern; de enteressartn meing se innschraim umansist as internet. Der trèff ist an webinar ont er bart se hòltn en pfinsta as de 30 van doi mu'net, um 18 zobenz. "Bilinguismo conta" ist an dinst as gip informazionen en de gamoa'schöft as de temen van klòffen mear as an oa'zega sprochen en lem va öllto. De ziln van dinst sai' za gem omport en eltern ont learnen; za lóng bissn s guat van klòffen mear sprochen; learnen abia za tea' ver za stitzn de jingern za klòffen zboa sprochen; gem informazionen as de leistn untersuachen asn tema va mearsprocheket; stitzn de mogleketn za trèffen se zbischn vrischöftn ont gamoa'schöftn as klòffen zboa sprochen.

Festa di paese a Roveda in valle dei mòcheni

LA RICORRENZA ANNUALE DEDICATA AL PATRONO SAN ROMEDIO È UN APPUNTAMENTO SENTITO DA TUTTA LA COMUNITÀ

Domenica 12 marzo, presso Roveda in valle dei mòcheni, è stato festeggiato il patrono san Romedio, con la celebrazione della messa da parte del parroco della valle don Romeo Zuin, alle tre del pomeriggio presso la chiesa del paese. La chiesa, edificata nel corso del 1700 e restaurata negli ultimi anni del 1800, è dedicata a san Romedio, l'eremita del IV secolo che conobbe san Vigilio vescovo di Trento, lasciò le sue proprietà alla diocesi e visse gli ultimi anni della sua vita stabilendosi in val di Non, dove si trova il ben noto santuario. Nel corso della celebrazione, il parroco ha ricordato la figura del santo. La festa del patrono di Roveda è un appuntamento che vede sempre la partecipazione viva della comunità. Anche quest'anno erano presenti il sindaco Luca Puecher, il gruppo alpini,

i vigili del fuoco volontari, il gruppo giovani... L'evento ha richiamato, oltre ai paesani, anche qualche persona dai comuni limitrofi, che ha voluto partecipare al momento di convivialità. La ricorrenza annuale, che doveva essere in gennaio secondo quanto prevede il calendario liturgico, è stata spostata di comune accordo per consentire la piena ripresa in salute del parroco. A seguire, il Gruppo alpini di Frassilongo - Roveda ha organizzato un rinfresco, allestendo tavolate e panche, portando thè, vin brulè e altre bibite. Il punto di rinfresco si è arricchito dei dolci preparati e offerti dai paesani stessi.



Il Gruppo alpini di Frassilongo - Roveda, che ha contribuito ad organizzare l'evento - foto di Vincenzo Laner

Nicola Oberosler